



INFORME DE ABANDONO DOS ESTUDOS DO GRAO EN BIOTECNOLOXÍA DA USC

Curso Académico: 2019-2020

**Aprobado pola Comisión de Título do Grao en Biotecnoloxía o 14/04/2021
Aprobado pola Comisión de Calidade da Facultade de Bioloxía o 28/04/2021**

Introducción	p. 3
Resultados	p. 3
<i>Abandono potencial</i>	p. 3
<i>Abandono real</i>	p. 4
<i>Enquisa de abandono: resultados</i>	p. 5
<i>Destino do alumnado que abandona</i>	p. 6

Introdución

O sistema de indicadores da USC contempla dúas taxas de abandono. A primeira é a “taxa de abandono durante o primeiro curso” (IN40G) que é a porcentaxe entre os/as estudantes dunha cohorte de novo ingreso, que non se matricularon no título nos cursos X+1 e X+2, e o número total de estudantes da cohorte que accederon ao título no curso X. A segunda é a “taxa de abandono do RD 1393” (IN41G) que é a porcentaxe entre os/as estudantes dunha cohorte de novo ingreso que deberon obter o título no ano académico anterior e que non se matricularon nin nese curso académico nin no anterior.

Presentar unhas baixas taxas de abandono é crucial para obter unha alta taxa de graduación. A preocupación polo abandono do alumnado levounos a incorporar no SGC o protocolo “Método de intervención sobre o alumnado en risco potencial de abandono dos estudos do grao”.

Como a implantación da titulación realizouse no curso 2018/19 non podemos calcular ningunha das taxas expostas anteriormente; así que fíxose un seguimento individualizado do alumnado que abandona (non se matricula no curso 2020/21) para tentar coñecer cales son as súas causas.

Resultados

Abandono Potencial

En aplicación do protocolo “Método de intervención sobre o alumnado en risco potencial de abandono dos estudos do grao” a ACMP, una vez finalizado o primeiro semestre, envía ao centro a información do alumnado que podería estar en risco potencial de abandono por non ter contidos superados nin recoñecidos nese primeiro semestre de docencia. No curso 2019/20 catro alumnos figuran na listaxe de abandono potencial, un/unha deles continúa matriculada no Grao, outro trasladou o seu expediente a outra universidade, e os dous restantes non están matriculados no curso 2020/21 e non temos información institucional sobre o seu destino polo que son considerados como abandono. O coordinador de primeiro curso púxose en contacto con eles e un deles indicoulle que está traballando e do outro non ten información.

Abandono Real

Dez dos/as cincuenta alumnos/as (20%) que comezaron os estudos en setembro de 2018 non están matriculados de ningunha materia do grao no curso 2020/21. Entre eles inclúense dous dos alumnos/as en risco potencial de abandono do curso 2018/19. Seis dos cincuenta e sete alumnos/as que comezaron os estudos no curso 2019/20 (10,5%) non están matriculados no grao no curso 2020/21. Destes seis estudantes un non se presentou a ningunha materia, dous só superaron unha materia, outro superou dúas e os dous restantes superaron 4 e 9 materias respectivamente.

Enquisa de abandono: resultados

Para coñecer as causas do abandono, a coordinación do grao elaborou unha enquisa na que se solicitaba a seguinte información:

1. Cal ou cales das seguintes causas foron as que te levaron a non matricularte de novo en Biotecnoloxía?:

- Razóns persoais
- O contido das materias non se corresponde co que eu esperaba
- Matriculeime pensando en cambiarme a un grao con nota de corte maior
- Outras

2. Se elixiches unha das tres últimas opcións, importaría che dar algún detalle máis?

3. Se fora o caso, que outros estudos pensas cursar?

O coordinador do grao púxose en contacto, a través de correo electrónico, co alumnado que non estaba matriculado en setembro de 2020. Contestaron a enquisa 3 dos 6 alumnos/as. A maiores das razóns persoais, dous estudantes indican que o contido das materias non se corresponde co que esperaban e o terceiro que o nivel de esixencia foi excesivo. Dos dous estudantes que deron máis información un dixo que non tiña claro que estudar e decidiu matricularse nun grao de historia e o outro que o contido non era o que esperaba e que decidiu continuar estudos no Grao de Química da UDC.

Destinos do alumnado que abandona

Aínda que se intenta facer un seguimento individualizado do destino do alumnado, nalgúns casos non é posible. Cando se realiza un cambio de expediente a outro centro da USC, a aplicación permite identificar cal foi; nestes casos compútase como cambio de estudos na USC a outros graos. Tamén permítenos coñecer se houbo un traslado de expediente a outra universidade, pero non se ten información nin a que

universidade nin a que grao. Por último, unha serie de alumnos/as desaparecen sen que se poida solicitar maior información, e estes consígnanse como abandonos

A Táboa 1 recolle o número e destino dos alumnos da cohorte do 2018/19 que non se matricularon do Grao no cursos 2019/20 e 2020/21 e os da cohorte de 2019/20 que non están matriculados no curso 2020/21, así como o seu destino. A Figura 2 inclúe as porcentaxes dos principais destinos do alumnado da cohorte de 2018/19 non matriculado no curso 2020/21.

Táboa 1. Número de estudantes da cohorte do curso 2018/19 e 2019/20 no Grao en Biolotecnoloxía da USC que no están matriculados dos estudos no curso 2020/21 en función do seu destino de saída. O curso corresponde ao curso de acceso aos estudos do grao.

	2018/19	2019/20
Cambio de estudos na USC a graos de Ciencias da Saúde		
- Medicina	3	0
- Psicoloxía	1	0
- Enfermaría	4	0
Subtotal	8	0
Cambio a estudos na USC a outros graos		
- ADE	1	0
- Historia	0	1
Outros	0	
Subtotal	1	
Traslado do expediente	1	2
Abandono	0	3
TOTAL	10	6

Tal e como indica a Figura 2, do alumnado que comezou os seus estudos no curso 2018/19, ao redor do 80% do que abandona o grao en Biotecnoloxía matricúlase no curso 2019/20 en diferentes graos englobados nas titulacións de Ciencias da Saúde (o 40% en Enfermaría, o 30% en Medicina e o 10% en Psicoloxía). No caso do alumnado que se marcha a Medicina pode deberse a que escolleron ese grao como primeira opción e en canto son admitidos abandonan o Grao en Biotecnoloxía, xa que Medicina ten unha nota de corte de lixeiramente superior (no curso 2018/19 12,34 en Medicina e 12,024 en Biotecnoloxía).




Figura 2. Porcentaxes dos destinos do alumnado da cohorte do curso 2018/19 no Grao en Biotecnoloxía da USC que no están matriculados dos estudos no curso 2020/21.